

**Fieldat i Obediensa** na **Kristu Hesus, Esun Ungi** ta loke ta trese nos mas serka di e **Bondat** i **Bèrdat** di **Dios Tata Todopoderoso**.

E **Fiestanan** di **Señor** tur tin un **Propósito**, ni un di nan no ta pa **kasualidat** skirbi, pasobra no tin **kasualidat** serka **Dios Tata; AMI TA**. Tin diferente **Fiestanan** skirbi den **Torah** ku **Kristu Hesus, Esun Ungi** apsolutamente a selebrá. Tin **8 Fiesta** skirbi den **Levítico 23**, ku **Kristu** a selebrá. E promé **Fiesta** ku **Kristu Hesus** a selebrá di den **Levítico 23** ta **Shabat**. Despues ta sigui e **Shete otro Fiestanan Altu**, tambe nan sa wòrdu yama **Shabat Altu**. E **Shete otro Fiestanan Altu** ta;

1. **Fiesta di Pésag**; ta riba e dia ku **Kristu Hesus** a muri pa **nos; Su karnénan**.
2. **Fiesta di Pan sin Zürdeg**; ta riba e dia ku **Kristu Hesus** a wòrdu dera den tumba pa **nos**.
3. **Fiesta di e Promé produkto di Kosecha**; ta riba e dia ku **Kristu Hesus** a **Resusitá** for di morto pa **nos**.
4. **Fiesta di Shete Siman**; ta riba e dia ku **Kristu Hesus** a manda e **Spiritu Santu** pa **yuda, konsolá i eduká nos**.
5. **Fiesta di tròmpet**; lo ta riba e dia ku **Kristu Hesus** lo **reuní** huntu ku **nos; Su karnénan**.
6. **Dia di Reparashon**; lo ta riba e dia ku **Kristu Hesus** lo **separá Su karnénan** for di e **kabritunan**.
7. **Fiesta di Tabernakel**; lo ta riba e dia ku **Kristu Hesus** lo tin e **eterno Shabat** ku **nos; Su karnénan**.

Ta durante **Kristu Hesus** su último **Fiesta di Pésag** ku **EL** a kohe pan, i despues di a **Bendishoná** e pan, **EL** a kibr'é i a duna nan, i a bisa bisa: "**Tuma; esaki ta Mi kurpa.**" Despues **Kristu Hesus** a kue e di **tres beker**, (pasobra durante e **Fiesta di Pésag** semper tin **kuater beker** riba mesa), a duna **Gradisimentu** na **Dios Tata** i a duna **Su Disipelnan** i a bisa: "**Esaki ta Mi sanger, ku ta konfirmá e Aliansa nobo, Mi sanger ku ta wòrdu dramá pa hopi.**" (**Marko 14:22-24**)

E **kuater bekernan** durante **Fiesta di Pésag** tur tin un nifikashon, no ta pa **kasualidat**. E **kuater bekernan** aki, ta nifiká e **kuater Promesanan** ku **Dios Tata; AMI TA**, a hasi den **Éksodo 6:6-7**.

E **promé beker** ta nifiká, e promé beker **Su Promesa** ta: **Santifikashon** (**AMI TA** lo saka abo for di tur kos malu)

E **di dos beker** ta nifiká, e di dos beker **Su Promesa** ta: **Liberashon** (**AMI TA** lo libra abo for di tur kos malu)

E **di tres beker** ta nifiká, e di tres beker **Su Promesa** ta: **Redimí-shon** (**AMI TA** lo redimí abo for di tur kos malu)

E **di kuater beker** ta nifiká, e di kuater beker **Su Promesa** ta: **Alabansa** (**AMI TA** lo tuma abo komo **Su** pueblo)

**Fieldat** ta algu importante i **Dios Su Fieldat** ta un **Garantia** ku **AMI TA** lo kumpli. Porta no manera **nos** ta spera, anhelá òf kièr mira pasa, pero **AMI TA Su Fieldat** ta sigur, pasobra ora **AMI TA** duna **Su Palabra, Primintí**, hasi **Promesa**, **AMI TA** ta kumpli. **Dios** no ta hende, ku **E** lo gaña, ni yu di hende, ku **E** lo arepentí. Akaso **EL** a bisa, i **E** lo no hasié? Òf **EL** a **Primintí**, i **E** lo no kumpli? (**Numbernan 23:19**).

2 yüni 2017

Sea Bendishoná den e Amor di Yeshua Mesias

Rev. Remsly L Riley